



COMMUNITY & ECONOMIC DEVELOPMENT OFFICE

149 CHURCH STREET • ROOM 32 • CITY HALL • BURLINGTON, VT 05401
(802) 865-7144 • (802) 865-7024 (FAX)
www.burlingtonvt.gov/cedo

Mituna Bato Batunaka Mingi Etali Esika ya kofanda ya Burlington mpe ya Centre ya Lisungi ya Mboka ELMWOOD AVENUE, BURLINGTON

1. **Nini ezosalema na esika ya Kotelema ya Engumba na Balabala Elmwood?** Engumba ezoluka kosalela esika ya kotelema ya balabala Elmwood mpo na ntango moke lokola esika ya kofanda ya lombango mpo na bato ya mboka na biso oyo bazangi bandako, mingimigi baoyo bazangi esika ya kofanda. Esika yango ekozala mpe na Centre ya Lisungu ya Mboka (CRC). **Okoki komona bansango ya sika ya mosala oyo awa:** <https://www.burlingtonvt.gov/CEDO/Ending-Homelessness>. Tozokana kobanda misala na esika wana na sanza ya mitano; Esika ya kofanda na CRC ekobanda kosala na été.
2. **Mpo na nini tozosala yango?** Motango ya bato oyo bazangi bisika ya kofanda ezokoba kozala mingi mbala misato koleka banivo ya liboso ya pandemi mpe bisika ya kofanda ya lombango eza moke soki tokokanisi yango na banivo oyo ezalaki na eleko ya malaili ya 2021. Na mokolo 16 sanza ya zomi na mibale 2021, Maire Weinberger abimisaki likanisi ya kosala mosala mpo na kokokisa elaka ya esika ya kofanda lokola lotomo ya moto. Plan wana oyo ezalaki na makambo zomi ezalaki na makambo mingi, na ndakisa kosalisa esika ya sika ya kofanda mpo na bato ya Burlington.

Anketi mpe kampanye moko oyo Engumba Burlington esalaki na mobu 2021, emonisaki bato mingi mpenza bazondima kosalela misala ya kosunga mpo na kobundisa likambo ya kozanga bandako oyo esilaka te mpe koluka ndenge ya kozwa bandako ya malamu, ebongi, mpe ya ntina mpo na bato nyonso. Kosala esika ya kofanda ezalaki lolenge ya malamu ya kokoma na bandako ya libela na bingumba ya États-Unis mpe eza esaleli ya noki mpe ya ntalo malamu mpo na kopesa esika ya kolala na bato ya mpasi mingi na mikolo ezoya. Na mokolo ya 7 sanza ya mibale 2022, Komite ya Engumba endimaki bango nyonso kosalela 2,975 milio ya badolare ya ARPA mpo na mokakatano ya makasi ya bato bazangi bandako. Bakosalela mbongo wana mpo na kosala Esika ya kofanda mpe Centre ya Lisungi ya Mboka oyo ekozala ya kofungwama mbula mobimba. Engumba ekosenga mosolo mosusu na Biro ya Makambo ya Nkita ya Leta mpo na kosalela esika wana malamu. Babakiselaki CRC 365 000 dolare mpo na badepanse oyo ekambami na congrés.

3. **Makambo ya lolenge nini bakobongisa?** Engumba ekosomba mpe ekosangisa [bisika ya kofanda](#) ya mike 30 oyo moko na yango ekosalisa moto moko ya mboka na biso (bisika mitano ekozala na likoki ya kozwa bato mibale, soki eza na babalani oyo bakolina kozala esika moko). Kino na bato 35, na mobimba. Esika yango ekozala mpe na ndako basi basala oyo bakoki komema esika mosusu, yango ekozala na biteni motoba (6) wese/lavabo/douche oyo bakosangisa yango na banzela ya bawese ya

bato nyonso mpe ya esika wana. Esika yango ekozala na bamwinda mpe lotiliki oyo ekopesama na mokomoko ya bisika 30 wana. WIFI ekozala bisika nyonso. Bakobongisa bisika mpo na poubelle, kota bavelo mpe bamesa ya pique-nique. Engumba ekosomba mpe ndako basi batonga oyo bakoki komema esika mosusu; ekozala Centre ya Lisungu ya Mboka (CRC) ya esika wana. CRC ekozala mpe na badouche mosusu, kikuku, babiro mpe esika ya bato nyonso mpo na kosalisa bato oyo bazofanda wana mpe bato mosusu oyo baza na mposa ya esika ya kofanda na mokolo ya barriere ya nse, na bilei, na café mpe na biloko ya bopeto. Likoki ekozala mpe na koyokana na bisika mosusu oyo eza na bandako, balopitalo, ata mpe bandako ya bato ya maladi mpe balopitalo ya bato ya maladi ya moto, mpe misala mosusu ya kosalisa bato. Mosala oyo esengeli kotosa malako ya ntina etali kotanga bandako mpe ya libateli. Ekozwa ndingisa ya zonage mpe ndingisa ya ba inspecteur ya Engumba oyo balandelaka bandako.

4. **Mpo na nini baponaki esika oyo mpe matomba ya esika oyo eza nini?** Nsima ya kotalela bisika oyo bokanisaki, emanonaki ete esika ya kotelema ya balabala Elmwood eza lopango ya Engumba mpe ekokokisa malamu bamposa ya mosala wana mpo eza pene ya ba transpore, ya misala mpi ya bisika mpe eza mpasi na kota lotiliki, mayi kuna mpe na kosangisa yango na batiyo ya engumba. Engumba ezokana kosalela esika wana kino na basanza 36 mpo ezala esika ya kofanda ya lombango, eyamba CRC mpe Mboka ya kofanda mpo misala esalema malamu mpe eza mpasi te na kokoma kuna. Misala mingi misusu oyo bato na biso bazangi bisika ya kofanda baza na mposa na yango ezalaka na centre-ville. Transpore na biso ya bato nyonso ezalaka mingi na centre-ville. Eza esika ya monene, eza ya engumba, bato bakoki kokoma kozanga mpasi mpe eza pene ya misala mpe babiro.
5. **Bakosala bisika ya kofanda ya ndenge nini mpe ekotambwisama ndenge nini?** Bazokana ete ezala esika oyo ekambami mpe ezala esika ya kofanda ya lombango oyo eza na barriere ya nse. Lisanga moko oyo tosalaka na yango nde ekokamba esika wana. Bakotambwisa esika yango na kolanda malako ya mboka mobimba ya Bandako ya Lombango. Masanga mosusu oyo tosalaka na bango ekosala mpe misala ya kosunga bato mpe ya makambo ya bomoi na bapaya. Ndimbola ya Barriere ya Nse ekeseni kasi elimboli mbala mingi ete masengami ya kokota eza na bandelo to eza mingi te. Ezotya likebi na Kokotisa bampasi, esika ya kofanda ya barriere ya nse elengisaka bato na yango na kokende pene ya misala mpe ya koluka masunga na kolongolaka biloko ezokanga nzela na kokota. Elakisi te ete ndelo eza te na bizaleli. Tozozela ete bato ya mboka na biso batosa mibeko mpe bamitambwisa na lolenge oyo ezobangisa te bato mpe na botosi. Misala epekisami na mibeko ekopesama nzela nte, ata mpe mandoki. Malako ya esika oyo ezali na mibeko bakoma mpe bakoyebisa polele bapaya makambo bazozela basala mpe bapaya bakozwa yango na pete, mpe basali na bavolontere nyonso bakozala bato bayebi mosala mpe bazwi formation na kotalela mitungisi. CRC ekokoba kokambama na biro ya Champlain Valley ya Makambo ya Nkita.
6. **Ndenge nini engumba ezali komipesa na misala oyo na bato oyo bakutana na makambo etali kozanga esika ya kofanda?** Misala oyo ebongisamaki mokomoko na kolanda bansango mpe bakomantere ya bato oyo bakutana na makambo, ya bato basalaka pene na bango, mpe ya masanga tosalaka na bango. Oyo eza koyebisa bato mpe tozokoba masolo. Na kolanda bakomantere toyebi ete toza na mposa ya lolenge mosusu ya bisika ya kofanda ya lombango. Bato mosusu bamonaka ete bakoki te kofanda malamu na ba hotel, basusu bakokaka te kofanda esika moko ya banyama ya kobokola. Eza kaka mwa bandakisa ya makanisi ya lingomba.
7. **Banani bakofanda na esika oyo?** Na kolanda malako ya bandako ya kofanda ya lombango ya mboka mobimba, tokosala makambo na kolanda molongo oyo: Bato bazangi esika ya kofanda, bato bazanga bandako mpe bafandaka na motel oyo bango te bafutaka, ata mpe bato bakima minyoko na libota to ya kosangisa nzoto, bafandaka na esika mosusu kasi na motel te, bato

bakozanga esika ya kofanda kala te. Tokokotisa bato na kolandaka bisika mosusu ya kofanda mpe bato basalaka mingi mpe 211, mpo na kobenda likebi na kokota na pete mpo na baoyo bazoluka eiksa ya kofanda ya lombango.

8. **Mpo na nini Engumba ekoki te kotya bato na ba apartema to na bisika mosusu ya kofanda?** Toza na mokakatano monene mpo tozangi bisika ya malamu ya kofandisa bato na comté ya Chittenden. Ebongiseli ya Burlington ya bisika ya kofanda esalisaka bato mingi ya mboka na biso oyo bazangi bisika ya kofanda, kasi esalaka te mpo na bato nyonso. Na ndakisa, bisika wana ekoki te koyamba babalani bazangi bana. Esalaka mpe te mpo na bato oyo bakokaka te kofanda esika moko na bato ebele; mingi na bango basalaka na mosalo ya molai ya mitungisa mpe/to bazalaka na maladi makasi. Lisusu, bambeto ya bisika ya kofanda ya lombango eza ya kotonda. Esika ya kofanda ya lombango oyo Leta apesaka na ba hotel ezalaka mbala mingi ya kotonda na bambeto ya comté ya Chittenden. Esika eyambaka bato, neti bisika nyonso mosusu ya kofanda ya lombango, elukaka kopesa bato bisika ya libateli mpe ya ntango mokuse kino bakozwa esika na bango ya kofanda.
9. **Balobelikakatano ebele na esika ya kofanda ya bato bazangi bandako na Sears Lane. Oyo eza kaka te komema likambo oyo na esika mosusu?** Bazosala esika ya Elmwood mpo na koboya makambo ebele oyo eza na Sears Lane. Na ndakisa, ekozala na ndelo na motango ya bato oyo bakoki kosalela esika wana. Esika ya Elmwood Ave ekozala na libateli mingi mpe malamu mingi koleka Sears lane, oyo ezalaki te na lotiliki, mayi mpe égout ya malamu. Esika ya Elmwood Ave ekozala na bisika ya kosokola, badouche mpe lotiliki. Bato bakozala na bisika eza na molunge, kasi bahema te, mpe ekozala na bato ya mosala na esika wana mpo na kokamba yango malamu, kolandela makambo mpe kosala misala mosusu ya ntina.
10. **Baservisi ya lolenge nini ekopesama?** Bato tozosala na bango bakozala na bato ya mosala oyo bakoki kosalisa, to kosangisa bato na biso na masungi mosusu ya esika ya kofanda, ya kolongono ya nzoto (ata mpe maladi ya moto mpe kosalisa mpo na bakwiti), mpe kokokisa bamposa ya bomoi ya mokolo na mokolo. Bato ya mosala bakozala mpe na mokumba ya kolandela mpe kobongisa bandako mpe koyamba bapaya mpo na bokoti mpe bobimi. Bato ya mosala bakozala wana bangonga 24 mokolo nyonso. Centre ya Lisungi ya Mboka eza na esika ya libateli, ya moto to ya malili, bilei ya moto, biloko ya ndako ya ntina, lotiliki, ba ordinatere, batoli etali esika ya kofanda mpe makambo mingi mosusu.
11. **Nakoki kosala nini mpo na kosalisa?** Tozozela na mposa makasi kosala elongo na yo, biso nyonso toza na mokumba mpo na kosalisa bato ya mboka na biso na kozwa esika ya kofanda. Tozolikya ete tokoki kotya motema na bato na biso oyo bakabaka na kopesa ntango mpe makanisi na bango mpo na kosunga mosala oyo na mboka mobimba. Mosala ekopesama maboko na etuluku moko ya mboka na biso mpo na kokitisa ba barriere, bobangi mpe matata, mpe kosala misala na bomoto, biso nyonso elongo. Lolenge oyo ya likita ya esika tofandi esalemaka malamu na bisika mosusu ya kofanda na mboka mobimba mpe esangisaka basangani; bapaya ya esika, basali mpe bavolontere, bato ya esikw ana, bato ya kartie, mangomba, ba activiste, masanga oyo elukaka te matomba ya mbongo, bakompani ya mboka, boyangeli ya mboka, bongo na bongo. Na kokutana mpe kolobelita mituna to mikakatano ya esika bofandi mpe tozoyeba mabaku ya kosala elongo, tokoki kosala boyokani mpo na kosalisa na kokitisa mindondo, kozwela bato makanisi mabe, matata, mpe kosala elongo na mabaku mpe makambo ya kobongisa.

Ndenge tolinci kofongola esika oyo, Engumba mpe moto to bato ya misala bakoyebisa bino makambo mingi etali bamposa mpe bosengi ya sikisiki. Makabo ya bilei mpe ya biloko mosusu ekoki kosengama, kasi mbala mingi ezalaka ntina mpe ntalo moke, soki bozosalela yango na lisanga.